

ERA CRASTA

Numerò 40 · Hereuèr 2005

Impresi sense adreça

Aprobacion deth pressupòst der Ajuntament de Vielha- Mijaran.



th Plen der Ajuntament de Vielha-Mijaran, celebrat eth dia 20 de deseme de 2004, aprovèc iniciaument eth pressupòst d'aguest Ajuntament entar exercici 2005, que dempús d'estèr expausat ath public pendent 15 dies, a demorat aprovat definitivament.

Ingrèssi:

Cap.	Denominacion	Pressupòst dera Entitat
1	Impòsti dirèctes	1.686.307,50 €
2	Impòsti indirèctes	275.001,00 €
3	Taxes e d'auti ingrèssi	663.578,25 €
4	Transferències correntes	855.459,65 €
5	Ingrèsi patrimonius	100.904,72 €
6	Alienacion d'invers. reaus	0,00 €
7	Transferències de capitau	551.491,85 €
8	Actius financèrs	0,00 €
9	Passius financèrs	466.190,00 €
	TOTAU INGRÈSSI	4.598.932,97 €

Despenes:

Cap.	Denominacion	Pressupòst dera entitat
1	Despena de personau	1.453.555,89 €
2	Despena de bens e servicis correnti	1.434.270,28 €
3	Despena financèra	107.099,19 €
4	Transferències correntes	415.920,07 €
6	Inversions reaus	1.047.717,33 €
7	Transferències de capitau	0,00 €
8	Actius financèrs	0,00 €
9	Passius financèrs	140.370,21 €
	TOTAU DESPENES	4.598.932,97 €

SUMARI

1

Aprobacion deth pressupòst der Ajuntament de Vielha- Mijaran.

Aprobacion dera modificacion num. 46 des normes subsidiàries en sector plan parciau num. 1 de Vilac

Òbres ena Bibliotèca de Vielha

2

Visita deth Conselhèr de Comerç, Torisme e Consum

Visita deth Ministre de Defensa

Enquèstes telefoniques.

Jubilacion dera professora Carmen Dominguez

Condes ena bibliotèca

3

Neteja dera nhèu en Vielha-Mijaran.

Copa Pirenèus 2005 de Patinatge Artistic

4

Es Reis d'Orient en Vielha-Mijaran

Teatre en Vielha

Activitats deth Palai de Gèu

Aprobacion dera modificacion num. 46 des normes subsidiàries en sector plan parciau num. 1 de Vilac



th Plen der Ajuntament de Vielha -Mijaran a aprovat era modificacion puntuau num. 46 des Normes Subsidiàries e Complementàries de Planejament dera Val d'Aran, en sector Plan parciau num. 1 de Vilac, damb es objectius que seguissen: 1èr.- Reajustar er àmbit, entà sollucionar era inaccessibilitat rodada deth Camin

d'Aunet, en tot dar-li accés a trauèrs d'un des viaus deth plan parciau.

2au.- Includir en àmbit, ua parcèlla urbana de 79,35 m2, entà qualificar-la coma viau e atau poder balhar continuïtat a un viau dejà existent.

Totes es persones interessades pòden consultar er expedient ena Secretaria Municipal.

Òbres ena Bibliotèca de Vielha



aguens deth Plan Unic d'Òbres e Servicis dera Generalitat de Catalunya (PUOSC) deth 2004, i a aprovada ua subvencion entara òbra de separacion acustica der espaci infantil dera bibliotèca dera rèsta dera sala. Aguesta separacion se harà mejançant ua

mampara de veire e es trabalhs an estat adjudicadi ara empresa Vidres Viola, damb un pressupòst totau de 5.469,56 €, 3.828,69 des quaus son subvencionadi peth PUOSC e es auti 1.640,87 les aportarà er Ajuntament de Vielha-Mijaran.

Visita deth Conselhèr de Comèrç, Torisme e Consum



th passat diuendres dia 21 de gèr, visitèc era Val d'Aran, er Auble Sr. Josep Huguet i Biosca, Conselhèr de Comèrç, Torisme e Consum dera Generalitat de Catalonha, eth quau siguec rebut per alcalde e pes membres dera Corporacion Municipau der Ajuntament de Vielha-Mijaran.

Ath long dera sua visita, eth conselhèr auec diuèrses amassades tant damb es Conselhèrs deth Conselh Generau, coma damb er Alcalde de Vielha e tanben damb professionaus deth sector toristic, grèmi d'ostalària e escoles d'esquí entà tractar ahèrs tanhents ara sua conselheria.



Visita deth Ministre de Defensa



th passat mes de gèr, eth ministre de Defensa, Sr. Bono, en tot profitar era sua estada ena Val d'Aran, visitèc, amassa damb er alcalde de Vielha, Juan Riu e damb d'auti còssos d'aguest Ajuntament, es terrenes on ère plaçada era antiga casèrna militar.


Er Ajuntament de Vielha-Mijaran a previst introduir en aguest airau, un espaci entà bastir-i un parcatge public e atau poder continhar dant eth servici que des deth mes de deseme de 2003, permet er estacionament de fòrça veïculs en aguest espaci.

Entà poder arténher es terrenes de besonh entad açò, er Ajuntament a previst demanar era reduccion des mètres quarrats destinadi a zòna verda.

Condes ena bibliotèca



ra Bibliotèca Generau de Vielha a programat des deth mes de gèr enquiath mes de, mai organitzar es "Ores de Conde".



Aguestes sessions de lectura anaràn a cargue de Lali San José, e seràn a compdar des 17.30 ores, pendent es dies que seguissen:

18 de hereuèr: "El millor pretendent del món"

4 de març: "La corona del rei negre"

18 de març: "El meu tiet rabiüt"

8 d'abriu: "La flor romanial"

29 d'abriu: "Inventem el nostre conte"

13 de mai: "La ventafocs índia"

Enquêtes telefoniques.



th Departament d'Interior dera Generalitat de Catalonha, a començat es trabalhs dera VII au. Enquèsta de Seguretat Publica de Catalonha, corresponenta ar an 2005.

Aguesta enquèsta consistís en estudi periodic des experiéncias de victimizacion que s'an produït en Catalonha, era mesura des sentiments d'inseguretat e era arremassada des opinions des ciutadans en matèria de seguretat e policia. Per tant, enquiara prumèra quinzena de març, se amiaràn a tèrme entrevistes telefoniques entre es ciutadans tant d'aguest municipi coma dera rèsta de Catalonha.

En cas de que quinsevolh vesin age cap de dubte sus era oficialitat d'aguestes enquêtes, poderàn confirmà'c en tot adreçar-se tath TELEFON D'ATENCION ATH CIUTADAN 012.

Jubilacion dera professora Carmen Dominguez



th passat dia 22 de deseme, auec lòc er acte de jubilacion e adius ara professora deth CEIP Garona, Sra. Carmen Dominguez Vergés.

En aguest acte l'acompanhèren ath delà dera sua familha, es sòns companhs de toti es centres dera Val d'Aran e eth baile der Ajuntament de Vielha-Mijaran, qu'en representacion deth madeish, volec arregraïr-li toti es ans de dedicacion ar ensenhament.

En aguest acte se li hec objècte de diuèrsi presents, autant des sòns companhs coma der Ajuntament de Vielha-Mijaran e dera sua familha.



Neteja dera nhèu en Vielha-Mijaran.

Pendent es dies enes quaus premaníem aguesta publicacion, auem patit un fòrt temporau de heired, aire e nhèu qu'as vesins de mès edat les a podut rebrembar as qu'auien de suportar ans entà darrèr e mès abituament.

Mès non volem parlar-vos deth cambi climatic dera planeta, senon des cambis des servicis que da er Ajuntament, entre es quaus i trapam es dera neteja des carrèrs e vies d'accès tàs pòbles deth municipi.



Enes darrèrs ans, er Ajuntament s'a anat equipant damb materiau e personau, tant pròpri coma contractat, e en coordinacion damb d'autoes administracions, a estructurat un plan que s'active en cas de besonh entà dar servici as 13 pòbles deth municipi.

Eth parc mobil der Ajuntament a un camion condicionat damb ua pala entà trèir nhèu e damb repartidor de sau, e dues cargadores entà trèir nhèu.

Ath delà, se contracten es servicis de quate cargadores mès, que tanben son entà treir era nhèu des carrèrs e carretèrs d'accèssi tàs pòbles.

Cau auer en compde, qu'aguestes maquines comencen a trabalhar des des 5 dera maitiada enquias 9 o 10 deth ser, entà sajar de qu'es accèssi tàs pòbles siguen dubèrti a prumèra ora deth maitin.

En çò que tanh ara neteja des trepaders, er Ajuntament compde damb ua brigada de 6 personas que se n'encueden de

trèir era nhèu, ath delà de tres operaris mès que lancen sau pes carrèrs.

Pendent aguesti dies, er Ajuntament distribuïc un totau aproximat de 150 tones de sau per tot eth municipi de Vielha-Mijaran.



Des d'ací volem arregraïr era colaboracion e comprension de toti es vesins deth municipi e rebrembar que coma mèrque er article 54 dera Ordenança de Convivència Ciutadana, en çò que tanh ara neteja dera nhèu dera via publica, es propietaris, o ben es ocupants des baishi des edificis plaçadi ath cant dera via publica, procedirà a arremasar era nhèu des trepaders respectivus, en tot meter-la en miei deth carrèr e caperaran damb sacs, sable, serrin, palha o sau era part que per auer-se congelat pogue èster un perill entara circulacion des passants.



Volem que toti es vesins sàpien qu'er objectiu der Ajuntament en aguesti casi ei eth d'arténher un servici eficaç, mès que i a moments enes quaus non se pòt satisfèr a toti ath viatge, per aquerò ei plan importanta era coordinacion e

colaboracion entre toti es implicadi, que redundarà, en darrèra instància, en interès sociau.

Copa Pirenèus 2005 de Patinatge Artistic

Era dimenjada deth 15 de gèr, se celebrèc en Vielha ua naua edicion dera Copa Pirenèus 2005 de patinatge artístic sus gèu, ena quau es patinaires aranesi pertanents ath Club d'Espòrts de Gèu Val d'Aran (CEGVA), artenheren uns plan boni resultats, damb tres prumèrs, tres dusaus e tres tresaus lòcs, mès cau remercar es plan boni resultats artenhudi per toti, repartidi enes diuèrses categories que i auie.

CADET FEMENIN

Tanya Constenla

1èra. classificada

Mónica Robles

4au. classificada

CADET MASCULIN

David Alfaro

1èr. classificat

JUVENIL FEMENIN

Alba Díaz

2au. classificada.

ESCÒLA FEMENIN

Carla Fernández

1èra. classificada

BENJAMIN FEMENIN

Andrea Vidal

2au. classificada

Lorena Alejandro

3au. classificada

Carmen Nart

4au. classificada

BENJAMIN MASCULIN

Patxi Carnerero

2au. classificat

Manuel Faure

3au. classificat

Carlos Tormo

4au. classificat

Nacho Calbetó

5au. classificat

ALEVIN FEMENIN

Carolina Caseny

3au. classificada

Elena Çaubet

5au. classificada

María Antoni

6au. classificada



Es Reis d'Orient en Vielha-Mijaran



th passat dia 5 de gèr, es Reis d'Orient arribèren en Municipi de Vielha-Mijaran a on repartiren fôrça presents tant entàs grani coma entàs petiti.

Tàs 16,30 arribèren ena Residència dera Gen Grana de Sant Antóni a on les deishèren ua "Banhèra de Parafina". Dempús contunhèren era sua rota enquia Gausac a on les demorauen fôrça mainatges qu'anèren a receber-les.

Dempús, e pujats en carròces, arribèren en Vielha, e les recebec er Alcalde e era Corporacion Municipau, que les convidèren a pujar en balcon der Ajuntament.

Dempús dera desfilada pes carrèrs deth pòble, es Reis anèren entath cine de Vielha entà poder èster ua estona damb toti es mainatges e mainades que i voleren anar.

Ath ser, es Reis d'Orient repartiren es presents que portauen entara mainadèra pes pòbles deth Municipi.

Er Ajuntament de Vielha-Mijaran vò profitar entà arregraïr era colaboracion des Pompièrs d'Aran, d'Era Perruqueria, e de totes aqueres persones, gràcies as quaus siguec possible celebrar aguesta Cavaçada.



Teatre en Vielha



olem rebrembar-vos que pendent cada prumèr dijaus de mes, Teatre en Vielha aufrís a toti aqueri que volgatz passar ua plan bona estona, sessions de teatre en cine de Vielha. Es representacions previstes entàs mèsi que seguissen son:

DIJAUS DIA 3 DE MARÇ

Era òbra "Breve desconcierto Breve" a cargue deth grop Los Modernos. Aguesta ei ua òbra en castelhan.

DIJAUS DIA 7 D'ABRIU

Era òbra "1 X 2" a cargue deth grop Sucre Salat Teatre. Aguesta ei ua òbra en catalan.

Es entrades se pòden comprar per auança ena Oficina de Torisme de Vielha a un prètz de 12,00 € e eth madeish dia dera representacion a 14,00 €.

Activitats deth Palai de Gèu

Eth Palai de Gèu de Vielha aufrís era possibilitat d'amiar ua grana quantitat d'activitats esportives, ath delà d'organizar còrsi de totes es disciplines esportives que s'i practiquen: còrsi de natacion, de patinatge, tecnificacion de natacion, aquasalut, aquaerobic, gimnastica de manteniment, aerobic, spinning, karate, iòga, aikido, samkya, etc. Tamben i podem trapar sauna, rais U.V.A., massatges, jogar a padel e tanben mos aufrís ua sala d'amassades de 100 m2, damb ua capacitat de 70 persones damb TV e vidèu, Pantalha de projeccions, projector de diapositives, eca, entad aqueri que volguen utilizar-la entà hèr es sues amassades tant a nivèu professionau coma particular.

CORSI DE NATACION ENTÀ ADULTS E INFANTILS

Es nivèus que s'impartissen son es d'iniciacion, auançat e perfeccionament.

Es oraris se pòden consultar ena recepcion deth Palai.

PRÈTZ

	ANUAU TRIMESADÈR	
ADULTS		
2 dies/ setmana	150 €	60 €
INFANTILS		
1 dia /setmana	75 €	30 €
2 dies / setmana	126 €	50 €
Menors de 6 ans 1 dia	105 €	42 €
Menors de 6 ans 2 dies	180 €	72 €

Eth prètz correspon ath cors complet.

Eth prètz includís unicament eth corset, es non abonadi auràn de pagar era entrada a part, exceptat es menors de 6 ans que non paguen entrada e per tant eth prètz mercat ei eth prètz finau.

Ei precis un minim de 6 persones entà hèr un cors.

AQUASALUT- Deluns, dimèrcles e diuendres de 10,00 a 11,00 or.

AQUAEROBIC - Dimarts, dijaus e diuendres de 21,00 a 21,50 or.

Es classes d'aguestes activitats son inclodides ena quòta d'abonat.

Tès non abonadi eth prètz dera classe ei d'11 €

TECNIFICACION DE NATACION

Consultar oraris era recepcion deth Palai.

	3 dies /sem.	2dies/sem.
Prètz abonat	290€	230 €

Prètz non abonat 290€+entrada

230€ + entrada

PATINATGE

Iniciacion infantil.

Consultar oraris era recepcion deth Palai.

Eth prètz deth cors ei de 175€, 2 dies per semana

Eth prètz correspon ath cors complet e inclodís sonque un corset

Es non abonadiauràn de pagar era entrada .

Entà mès nivèu demanar en recepcion.

GIMNASTICA DE MANTENIMENT - AEROBIC - SPINNING.

Consultar es oraris ena recepcion deth Palai.

Aguesti còrsi son inclodidi ena quòta d'abonat

Eth prètz tàs non abonadi ei d'11€, exceptat spinning que sonque ei tàs abonadi.

KARATE

Consultar oraris ena recepcion deth Palai

Adults

Prètz trimesadèr abonat	55€
Prètz trimesadèr non abonat	126 €

Junior e Infantil

Prètz deth cors	90 €
-----------------	------

IÒGA

Consultar oraris ena recepcion deth Palai

Prètz mesadèr abonat	29€
Prètz mesadèr non abonat	35€

AIKIDO

Consultar oraris ena recepcion deth Palai

Prètz trimesadèr abonat	55€
Prètz trimesadèr non abonat	126€

SAMKYA - Dances orientaus.

Consultar oraris ena recepcion deth Palai

Prètz mesadèr abonats	25€
Prètz mesadèr non abonats	30€

Se voletz mès informacion d'aguestes activitats, podetz demanar-la directament en Palai de Gèu, trucant ath 973 64 28 64 o en www.palaidegeu.com.